

Ze barri?

ESKORIATZA / Egubakoitza / 2005eko irailaren 30a / 224. zenbakia

KOORDINATZAILEA: Iker Barandiaran • Otolora 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarri@goiena.com • Lege gordailua: SS200/99

Zeramika bilduma erosi eta Zubiare labea berrituko dute

M.A.

Udalak erabaki du antzinako zeramika bilduma bat erostea, eta Zubiare labea berreskuratu ondoren, labearen ondoan zeramikaren gaineko areto bat jartzea. Bilduma 60.000 eurotan erosi dute, eta 2007aren hasierarako aretoa bukatu gura dute.


Orain dela urtebete inguru hasi ziren harremanetan Udala eta Bergarako Victoriano Larrañaga bildumagilea. Bergarak horrek 240 piezaz osatutako zeramika sorta dauka, eta Udalak kontsultatutako adituen esanetan, "pieza horiek Euskal Herriko etxeetako zeramika tradizionalaren erakusle argiak dira".

Udalak eta Victoriano Larrañaga bildumagileak berehala egingo dute tratua. Udalak 60.000 eurotan erosi dio bilduma osoa, eta laster ekarriko dute herrira. Eta pieza guztiak katalogatutakoan, herritarrei erakutsiko dizkiete.

Bilduma horretan mota askotako piezak daude: potinak (botijoak), bazinak (barreñoak), koiarendako ontziak, pitxerrak, platerak, katiluak, pixontziak, eltzeak, lapikoak eta beste asko.

ZUBIARE LABEA BERRESKURATU

Udalaren asmoa da Gaztañadui kalean dagoen Zubiare labea berreskuratu eta han areto bat prestatzea, zeramika guztiak bertan batzeko. "Ez dadila bakarrik



Argazkietan, erosi duten bildumako pieza bat; eta Gaztañadui kalean dagoen Zubiare labea.

Bergarako bildumagile batena da 240 piezaz osatutako zeramika bilduma

labea ikusgai egon; labe horretan zer egiten zuten ikusteko aukera egon dadila", azaldu zigun Juan Carlos Bengoa alkateak. Horrez

Bilduma 60.000 eurotan erosi dute, eta euskal zeramika tradizionalaren erakusle da

gain, alkateak argitu zigun labeak daukan garrantzia: "200 urte ditu, ez gehiago, baina Jaurlearitzak kultura interes handia zue-

Zeramika bilduma Zubiare labearen ondoan, Gaztañadui kalean, areto baten jarriko dute

la esan zuen, eta Gipuzkoan ez dago halako beste laberik". 2007aren hasierarako aretoa bukatuta egotea gura dute.

LABUR

Bihar, zapatua, euskararen aldeko jaia egingo dute

Zapatuan *Ifini dantzan miñe, euskara plazara!* euskararen aldeko jaia egingo dute. Amus-kak, gazte batzarrak eta Aitzorrotx elkarteak antolatu dute. Kilometroak jaiaren bezpera herrian girotzeko eta euskararen alde egiteko.

Plazako karpan garagardo jaia izango da. Arratsaldean, bertsolariak eta trikitilariak izango dira, eta afari-merienda eta capoeira erakustaldia. Bukatzeko, Shaggy Daddy & The Troublemakers taldearen kontzertua, gaztetean.

Eguenean hasiko dituzte Guraso Eskolak

Eguenean, urriaren 3an, hasiko dituzte Guraso Eskolak. Kultura etxean egingo dituzte, ordu eta erdiko saioetan, eta eguenero batuko dira. Udalak antolatuta, DBHko gurasoei zuzenduta daude.

Izena emateko epea luzatu egin dute, eta interesatuek astelehena, urriaren 3a, izango dute azkeneko eguna.

HEZI institutuko Edurne Galindez izango da eskolaren arduraduna, eta matrikula 10 euro da. Honako gaiak landuko dituzte datozen eguenean: *Nerabea ulertzea; Harremanak nerabeekin; Nerabea, umea edo heldua?*; eta *Bitartekaritza, hurrenez hurren.*

IBARRAUNDI MUSEOAREN HITZALDIAK

Gure aztarnen bila


HIZLARIA: Álvaro Arrizabalaga, Lezetxikiko indusketen zuzendaria.

GAIA: Euskal Herriko historiaurrea: Lezetxiki.

TOKIA: Ibarraundiko hitzaldi aretoan, Eskoriatza

NOIZ: Urriak 6. Arratsaldeko 19:00tan.

TELEFONO ZKIA: 943 715 453



TELEFONOJAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Erzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

OHARRAK

UDALTAINGOAREN OHARRAK, KILOMETROAK EGUNERAKO

Udaltzaingoa herritarrei hainbat aholku eman dizkie domekarako, Kilometroak egunerako. Lehenik eta behin, eskatu die jai-gunera oinez joateko edo bestela, geltoki zaharrea autobusak hartzeko (joan eta etorria, 2 eurotan). Horrez gain, eskatu die herritarrei autoa ahalik eta gutxien erabiltzeko eta garajea duenak erabiltzeko, kanpotik auto asko ekarriko dituztela uste dutelako. Horrez gain, Eskoriatzara sartu gura dutenei eskatu die Intxaurtxuetako sarrera erabil dezatela.

ARETO FUTBOL ETA SASKIBALOI PARTIDUAK

Bihar, zapatua, ohorezko ligako areto futbol taldeak SD La Parrillaren kontra jokatu du, 16:00etan, kiroldegian. Horren ostean, 18:00etan, 2. maila nazionaloko saskibaloi taldearen hitzordua izango da. Hark Bera-bera Gros taldearen kontra jokatu du.

TOKI ALAI TABERNA

Karajiloetan espezializatua

Tel.: 943 71 47 29
ESKORIATZA

Dorletako proiektuari egindako alegazioak berbegai izan zituzten

I.B.

Atzo, eguena, Dorleta auzoa eraberritzeko proiektua eta auzotarrek proiektuari aurkeztu dizkioten alegazioak berbegai izan zituzten Udaleko osoko bilkuran. Udalak atarrietan arrapalak jarri gura ditu, baina hainbat auzotar kontra agertu ziren.


2005eko ekainean, Udaleko osoko bilkurak lehenengo onarpena egin zion Dorleta auzoa eraberritzeko proiektuari. Injelan SL enpresak idatzi zuen proiektua. Eta hura onartuta, Gipuzkoako Aldizkari Ofizialean aditzera eman zuten, eta erakusketak publikoak egin zuten herritarrek eraberritzeko plana bere horretan ikus zezaten.

Dagoeneko, erakusketak ikusi eta informazioa aztertu ondoren, hainbat bizilagunek alegazioak aurkeztu dituzte. Udaleko taldeak alegazioak aztertzen ibili dira eta atzo, eguena, osoko bilkuran hartuko zuten azken erabakia.

ARRAPALEKIN BUELATA

Hainbat alegazio jaso dituzte eta horietako asko etxeetara sartu edo irteteko arrapalekin lotuta daude. Ailegaeraztasuna bermatzeko asmoz, Udalak erabaki du sarreran eskailerak dituzten etxeetan arrapalak jartzea. Baina zenbait bizilagun ez daude ados, eta kontra agertu dira.

Horrez gain, Udalak asmoa zuen etxeen arteko bidexkak



Dorleta auzoko hainbat etxek ez dituzte ailegaeraztasun neurriak betetzen.

Udalak eta Dorletako auzotarrek hainbat hobekuntza egin dizkiote idatzitako proiektuari

zabaltzeko, baina hainbat auzotarrek aditzera eman dute gura dutela bidexka estuak izatea eta berdegunerik ez ukitzea. Are gehiago, hainbat bizilagunek eskatu dute berdeguneak bere horretan uzteko, edota horiek gehitzeko. Horrez gain, hainbat auzotarrek aditzera eman dute

aparkalekuak gutxitzerik ez dutela gura, eta zenbaitzuek eskatu dute HUHEZIKO aparkalekua publikoak izan dadila.

UDALAREN PROPOSAMENAK

Udal taldeak hainbat proposamen egin zizkion proiektuari, osoko bilkuran aztertzeko asmoa zituztenak: eskailerak kendu eta atarrietan arrapalak jartzea; oinezkaren arrapala handitzea; oinezkoek lehentasuna dutela azpimarratzeko garajeen parean lurzoru mota aldatzea; Irakasle Eskolako eraikin zaharrari saneamendua konpontzea, eta beste batzuk. Honako hau idazteko orduan, ez dakite zein alegazio hartu zituzten kontuan.

Mutilak behar dituzte euskal dantzen taldea osatzeko

I.B.

Musika Eskolan hainbat ikastaro ematen dabilta. Horiez gain, honako ikasturte hau euskal dantzak erakusten dituzten hirugarrena da. Urteik urtera gero eta ikasle kopuru handiagoak ematen du izena, baina mutilen hutsunea dute. Hala eman digute adi-

tzera Musika Eskolako ardura-dunek.

Horrekin lotuta, aurten, heldu talde batek erabaki du euskal dantzak ikasi eta talde bat osatzea. Gutxieneko taldea sortzeko 8-10 lagunek izena ematea behar dute, eta hortaz, lagun gehiagoren premian daude. Interesatuak jo dezatela Musika Eskolara.



Udalak 210 erretiratu omendu zituen

Domekan, 210 erretiratu batu ziren Udalak antolatutako bazkari erraldoian. Emakumezko eta gizonezko zaharrenei, Rosalia Blancori eta Antonio Izagirreri hurrenez hurren, aipamen berezia egin zieten. Biek hala biek 96 urte dituzte. /A.L.

Txalaparta taberna



Aranburuzabala 25
ESKORIATZA

ENRIKE MAZMELA BOLINAGA HORTZ KLINIKA

Eduardo Gorosari 3-1. esk.
Tel: 943 71 47 36
Eskoriatza

LABUR

Eskulan ikastaroa egingo dute, Amuskaren eskutik

Urtero moduan, Amuska emakumeen elkarteak eskulan ikastaroa antolatu du datozen hila-beteotarako. Besteak beste, larrua lantzen, ehoziria egiten eta beste irakatsiko dizkiete.

Ikastaroa astelehenean, urriaren 3an, hasiko dute, eta kultura etxean egingo dute, 18:00etatik 19:00etara bitartean. Elkarteko bazkideek 20 euro ordaindu beharko dituzte; bazkide ez direnek, berriz, 26 euro. Interesatuak jo lehenbailehen izena ematera, ixtear dago-eta.

Urrian hainbat ikastaro egingo dituzte KZgunean

KZgunea gogor dabil herritarrei ikastaroak ematen. Urri-rako ere hainbat eskaintza prestatu dituzte. Hilaren 7an, enplegua lortzeko azalpenak emango dituzte, 16:00etatik 18:00etara. Hilaren 14an, *Euskara ziberespazioan* gaia landuko dute, 18:00etatik 20:00etara bitartean.

Hilaren 21ean, berriz, *Zure egunkaria irakurri* gaia landuko dute, 18:00etatik 19:00etara bitartean; eta 28an, *Kontsumitzailea sarean* izango dute berbegai, 18:00etatik 20:00etara. Urriko eskaintza hori guztia euskaraz emango dutela iragarri dute.